

रि॒क्षञ्च॑ के॒वलम् । यच्चा॒स्मिन् न॒न्तरा॑हि॒तम् । सर्वा॒स्ताः ।  
अ॒न्तरि॒क्ष्यश्च॑ याः पु॒जाः ॥ १ ॥

गन्ध॒र्वाप्सर॑सश्च॒ ये । सर्वा॒स्ताः । सर्वा॑नु॒दारा॑न्त्स-  
लि॒लान् । अ॒न्तरि॒क्षे प्र॑ति॒ष्ठितान् । सर्वा॒स्ताः । सर्वा॑-  
नु॒दारा॑न्त्सलि॒लान् । स्थाव॑राः प्रो॒ष्याश्च॒ ये । सर्वा॒स्ताः ।  
सर्वा॑न् धु॒निः॑ सर्वा॑न् ध्व॒ःसान् । हि॒मो यच्च॑ शी॒यते ॥  
॥ २ ॥

सर्वा॒स्ताः । सर्वा॑न्मरी॒चीन्वित॑तान् । नी॒हारे॑ यच्च॑  
शी॒यते । सर्वा॒स्ताः । सर्वा॑ वि॒द्युतः॒ सर्वा॑न्त्स॒नयि॑तून् ।  
ह्रा॒दुनी॒र्यच्च॑ शी॒यते । सर्वा॒स्ताः । सर्वाः॒ स्रव॑न्तीः स॒रि-  
तः । सर्वा॑म॒सु च॒रञ्च॒ यत् । सर्वा॒स्ताः ॥ ३ ॥

याश्च॒ कृ॒ष्या याश्च॑ ना॒द्याः स॒मुद्रि॑याः । याश्च॑ वै-  
श॒न्तीरु॑त॒प्रा स॒चीर्याः॑ । सर्वा॒स्ताः । ये चो॒त्तिष्ठ॑न्ति जी-  
मू॒ताः । याश्च॒ वर्ष॑न्ति वृ॒ष्टयः॑ । सर्वा॒स्ताः । तप॑स्तेज  
आका॒शम् । यच्चा॒काशे॑ प्र॑ति॒ष्ठितम् । सर्वा॒स्ताः । वा॒युं  
वया॑ः॒सि सर्वा॑णि ॥ ४ ॥

अ॒न्तरि॒क्षच॒रञ्च॒ यत् । सर्वा॒स्ताः । अ॒ग्निः॑ सूर्य्यं  
च॒न्द्रम् । मि॒त्रं वरु॑णं भ॒गम् । सर्वा॒स्ताः । स॒त्यः॑ अ॒द्वां  
तपो॑ द॒मम् । नाम॑ रू॒पञ्च॑ भू॒ताना॑म् । सर्वा॒स्ता इष्ट॑काः